



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1442. usque ad annum 1460

Fleury, Claude

August. Vind. [u.a.], 1768

VD18 90118324

§. 22. Cæsar Basileam ingressus

[urn:nbn:de:hbz:466:1-66507](https://nbn-resolving.org/urn:nbn:de:hbz:466:1-66507)

dignetur Reges, & Principes toto ingenio, Sæcul. XV. A. C. 1442.
 & nisu inducere, ut veniant personaliter, aut suos solemnes Oratores mittant, atque Prælatos. Denique subjungunt Basileenses, ne inanis & frustratoria reddatur hujusmodi Concilii translatio, Rex & Electores certificent, quod Concilium, dum in illo loco fuerit, recognoscent pro vero Generali Concilio, eique adhærebunt, statutisque, ordinationibus & decretis acquiescent, etiamsi adversarii ad illud non venerint. Loca vero nominabit sacrum Concilium Basileense, quorum alterum ipse Dominus Rex eligat, & assignet auctoritate hujus sacri Concilii, & hæc sancta Synodus suam translationem in illum locum publice, ac in solempni Sessione decretabit fiendam ad tempus, quod considerata necessitate Ecclesie videbitur expedire, postquam tamen præfatas securitates sacro huic Concilio fuerint præstitæ cum effectu.

§. XXII.

Imperator Basileam ingressus.

His ita conclusis, Imperator Basileam Acta Patric. to. 13. p. 1604
 petiit, & die undecima Novembris divo Martino sacra solempni pompa, ac regia prorsus magnificentia urbem ingressus est. Incedebat medius inter Cardinalem Arelatensem, & Patriarcham Aquilejensem Episcopum Tridentinum,

Sæcul. XV.
A.C. 1442.

qui itidem Cardinalium dignitate clarus, Poloniae Regi sanguine conjunctus erat; ceteri præibant Cardinales, Imperatorem vero sequebantur Brunsvicensium Dux, Comes Genevensis, aliique quam plurimi Proceres, omnesque Prælati. Hi solemniter hoc comitatu Cæsarem ad Ecclesiam Cathedralē deducebant, in qua persolutis precibus una omnes ad Friderici alloquium admissi sunt. Postera die Cardinales cum Basileensibus Imperatorem visum ibant, quibus copiose declarabat, nil magis cordi sibi esse, quam ut justitiam, & Ecclesiae auctoritatem factam tueretur. Postridie vero, inclinato jam die, Felicem invisurus, cum paucis suorum illum adiit, nulla tamen eidem exhibita reverentia alias Romano Pontifici debita, sed detecto duntaxat capite in cubili substitit unacum omnibus, qui eundem comitabantur. Felix comperto Cæsaris adventu cubiculo suo egressus est, & cum novem suis Cardinalibus, præcedente Crucis vexillo Imperatori obviam processit, longam ac purpuream togam pontico vellere obductam indutus.

§. XXIII.

Friderici cum Felice colloquium.

Cæsar Felicem obsequiose excipiebat, & per quemdam Episcopum sese excusa-